



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XIX. Erectio Congregationis Presbyterorum Sæcularium B.M. Assumptæ  
Bracharen.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Ordinationibus Apostolicis, necnon dicti Hospitalis, etiam Juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, ac ordinationibus Capitularibus; privilegiis quoque, Indultis, & literis Apostolicis eidem Hospitali, illiusque Magno Magistro, & Conventui, Fratribus, & personis quibuscumque sub quibuscumque verborum tenoribus, & formis ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis, etiam motu, scientia, ac potestatis plenitudine paribus, & alias quomodolibet in contrarium præmissorum concessis, ac pluries, & quantiscumque vicibus confirmatis, approbatis, iteratis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret tenores hujusmodi præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

Datum Romæ apud S. Mariam Majorem sub Annullo Piscatoris diè V. Augusti MDCXC., Pontif. nostri Anno Primo.

XIX.

Confirmatur, & innovatur creatio Congregationis Presbyterorum Sæcularium B. M. Assumptæ Bracharen., eique Privilegia, & Indulgentiæ conceduntur.

*Similis Congregatio in Civit. Portugallien. confirmata fuit ab Inn. XI. Const. ed. 1683. Maji 20. Pont. 7., & ab hoc Pontifice Const. ed. 1690. Octobris 5. Pont. 1. concessa fuit quadam facilitate Presby. Missionis.*

ALEXANDER PAPA VIII.

*Ad perpetuam rei memoriam.*

**A**D Pastoralis dignitatis fastigium meritis licet imparibus ineffabili divina bonitatis abundantia evecti, divini cultus, & animarum salutis incremento, ac fidei Catholicæ propagationi quantum Nobis ex alto conceditur, intendimus, & propterea Clericorum Congregationes id operari cupientes propensis studiis promovemus, & instituímus, favoribusque, & gratiis prosequimur opportunis, prout conspiciamus in Domino salubriter expedire.

§. 1. Exponi siquidem nobis nuper fecerunt dilecti filii Presbyteri sæculares Congregationis sub titulo Beatæ Mariæ Virginis Assumptæ in Civitate Bracharen. Ordinaria auctoritate canonice (ut asseritur) erectæ, quod alias tunc existens Archiepiscopus Bracharen. eandem Congregationem in dicta Civitate pro Presbyteris sæcularibus, qui sub clausura voluntaria absque votorum obligatione propriæ, aliæque salutis studere, Missionibus, & verbi Dei prædicationi operam dare, ac Sacramentales Christianifidelium confessiones audire, aliqua pietatis, & Christianæ charitatis opera exercere debent ad instar Congregationum Oratorii Sancti Philippi Neri in Ecclesia Sanctorum Mariæ in Vallicella, & Gregorii de Urbe dudum auctoritate Apostolica erectæ, & Beatæ Mariæ Virginis Assumptæ Ulyssiponen. a fel. rec. Clemente PP. X. prædecessore nostro per quosdam suas in simili forma Brevis die 6. Maji 1671. expeditas literas confirma-

tæ sub Constitutionibus, sive statutis particularibus pro eadem Congregatione Ulyssiponen. editis, & a præfato Clemente prædecessore per alias pariter in forma Brevis die 24. Augusti 1672. emanatas literas approbatis, illorumque appendice erexit, & instituit.

§. 2. Cum autem sicut eadem expositio subjungebat dicti exponentes præfata pietatis, & charitatis operâ exercere hæctenus studuerint, illisque in futurum quoque juxta pium dictarum Congregationum Institutum adjuvante Domino operam dare intendant. Nobis propterea humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignemur.

§. 3. Nos igitur ipsos exponentes, ut ad pia, & sacra opera hujusmodi promptiores reddantur, uberoresque in Vineâ Domini fructus incrementum dante Deo, proferre satagent specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum hartum serie absolventes, & absolutas fore censentes, hujusmodi supplicationibus inclinati, veris existentibus narratis, & quatenus dicta Congregatio Bracharen. alias canonice erecta, & instituta fuerit, erectionem, & institutionem ipsius Congregationis Apostolica auctoritate tenore præsentium perpetuo approbamus, & confirmamus, illisque inviolabilis Apostolicæ firmitatis robur adjicimus: Et nihilominus in Ecclesia dictæ Congregationis unam præfatorum Presbyterorum, & Clericorum sæcularium in eam pro tempore recipi volentium Congregationem sub memorato titulo Beatæ Mariæ Virginis Assumptæ ad instar supradictarum Congregationum Oratorii Sancti Philippi Neri de Urbe, & Beatæ Mariæ Virginis Assumptæ Ulyssiponen. Dummodo tamen iidem Presbyteri, & Clerici Ordinationes, & instituta dictarum Congregationum alias a rec. mem. Paulo PP. V. prædecessore pariter nostro, ac præfato Clemente prædecessore respectively confirmata receperint, seu recipiant, & illa pro viribus observare intendant, sub Constitutionibus, sive statutis illorumque appendice prædictis, auctoritate, & tenore præfatis, itidem perpetuo erigimus, & instituímus.

§. 4. Ac modernis, & pro tempore existentibus Præposito, & aliis Presbyteris ejusdem Congregationis sic de novo erectæ, qui ab Ordinario approbati fuerint, ut confessiones quorumcumque ad eos accedentium quocumque anni tempore audire, illisque pœnitentia debita pro modo culpæ, & aliis, quæ injungenda fuerint injunctis, absolutionem impendere salutarem possint, & valeant. Sacerdotes vero, & Clerici in eadem Congregatione recepti, eorumque Ministri pro tempore quoque ibidem permanserint, Parochis, eorumque Jurisdictioni minime subiaceant, ipsique Sacerdotes sibi invicem, ac Clericis, & Ministris præfatis, etiam laicis quæcumque Ecclesiastica Sacramenta, quovis, etiam Paschatis Resurrectionis Dominicæ, tempore vice, & loco Parochi ministrare. Superiores autem ipsius Congregationis per præfatas erectæ, per se, vel alium, seu alios ex ipsis jam approbatis suos subditos a censuris, non tamen in casibus Sedi Apostolicæ reservatis, neque in literis die Cœnæ Domini legi solitis contentis, absolvere, illisque debitam pœnitentiam similiter injungere. Idemque Superiores receptos inobedientes, & ipsius Congregationis Constitutionum transgressores punire, & pœnitentia pro modo culpæ, servata tamen forma Ordinationum, & inhibitionum hujusmodi afficere, & si sibi vide-

Preces d. Presbyterorum.

Confirmatio, & Innovatio d. Congregationis.

Privilegia, & Facultates.

bitur,

Dat. 13. Sept. 1690. An. 1.

Exordium.

Erectio dictæ Congregationis ad instar illarum S. Philippi Neri, & B. M. Assumptæ Ulyssiponen.

bitur, cum consensu Majoris partis dictæ Congregationis, culpabiles ejicere invocato etiam ad hoc si opus fuerit auxilio brachii sæcularis, libere, & licite similiter possint, & valeant dicta auctoritate harum serie concedimus, & indulgemus. Præterea Presbyteris, & Clericis in eandem Congregationem pro tempore receptis, ne ipsa Congregatione, etiam ex justissima causa, nisi prius illam Superiori Congregationis hujusmodi pro tempore existenti manifestaverint, egredi audeant quovis modo, vel præsumant, sub excommunicationis lætæ sententiæ pena per contrafacientes eo ipso incurrenda auctoritate, & tenore prædictis prohibemus, & interdiciamus. Ad demum, quod præfata Congregatio perpetua sit, & esse intelligatur, præsertim quoad Missiones, subiecta omnimodæ Jurisdictioni Archiepiscopi Bracharen. pro tempore existentis, a quo nihilominus Ordinationes, & Instituta ipsius Congregationis immutari, aut alterari minime possint auctoritate prædicta earumdem tenore præsentium pariter perpetuo statuimus, & ordinamus.

Clausula.

§. 5. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quancumque spectabit inviolabiliter observari: sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, ac S. R. E. Cardinales, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Indulgentiæ.

§. 6. Ut autem Ecclesia Congregationis, sic erectæ in majori veneratione habeatur, & a Christianis fidelibus Congregationis frequententur honoribus, aliisque Presbyteri, & Clerici sæculares ad ipsam Congregationem per præsentis erectam ingrediendam magis incitentur, omnibus, & singulis Presbyteris, & Clericis, qui eandem Congregationem de cætero ingredientur die primo eorumdem ingressus, si vere penitentes, & confessi, Sanctissimum Eucharistiæ Sacramentum sumpserint, plenariam; ac ipsis nunc, & pro tempore existentibus Presbyteris, & Clericis, aliisque conviventibus ejusdem Congregationis in eorum mortis articulo Nomen Jesu corde, si ore nequiverint, invocantibus, etiam plenariam: necnon tam illis, quam aliis utriusque sexus Christianis fidelibus vere penitentibus, & confessis, ac sacra communione resectis, qui ejusdem Congregationis per præsentis erectæ Ecclesiam die festo Assumptionis Beatæ Mariæ Virginis immaculatæ a primis vespere usque ad occasum solis dierum hujusmodi devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint plenariam similiter omnium peccatorum suorum indulgentiam, & remissionem misericorditer in Domino etiam perpetuo concedimus, & elargimur; necnon tam Presbyteris, & aliis ejusdem congregationis quoties pro exhortationibus habendis convenerint, quam aliis utriusque sexus Christianis fidelibus ejusdem exhortationibus interessentibus, decem annos; & qui Ecclesiam dictæ Congregationis in Purificationis, & Annunciationis, ac Nativitatis, & Conceptionis Beatæ Mariæ Virginis immaculatæ festis diebus a primis vespere usque ad occasum solis festorum hujusmodi annis singulis devote visitaverint, & ut præfertur oraverint, septem annos, & totidem Quadragenas; eisdem vero Presbyteris, & aliis dictæ Congregationis, quoties divinis Officiis in sua Ecclesia, vel Oratorio more ejusdem Congregationis celebrandis, aut congregationibus particularibus, vel privatis, & secretis pro quocumque opere pio exercendo interfuerint, aut Infirmos consolati fuerint, vel Sanctissimum Eucharistiæ

Sacramentum sumpserint, aut conscientiam suam antequam cubitum eant, examinaverint, seu flagellis ad carnem castigandam se afflixerint, vel quinquies orationem Dominicam, & toties salutationem Angelicam, tam pro Animabus Presbyterorum, & aliorum dictæ Congregationis quam aliorum in Christi charitate Defunctorum, recitaverint, aut devium aliquem ad viam salutis reducerint, vel ignorantes præcepta Dei, & ea quæ ad salutem sunt docuerint, aut quodcumque aliud pietatis, vel charitatis opus exercuerint, toties pro quolibet præfatorum operum sexaginta dies de injunctis, vel alias quomodolibet debitis penitentibus in forma Ecclesiæ consueta relaxamus.

§. 7. Non obstantibus quatenus opus sit Regula nostra de non concedendis Indulgentiis ad instar, aliisque Apostolicis, ac in Universalibus, & synodalibus conciliis editis generalibus, vel specialibus Constitutionibus, & Ordinationibus, necnon quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac de verbo ad verbum inseritis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die XIII. Sep. MDCXC., Pontificatus nostri Anno Primo.

Conceditur Presbyteris Congregationis Missionis, aliisque ei aggregatis facultas absolventi a casibus reservatis, & Indulg. plen.

XX.

*Exstat quædam facultas concessa superiori Gen. ab Inn. XI. Const. ed. 1679., Jun. 5., Pont. 3. Alex. VIII., Const. ed. 1690., Sep. 13. Pont. 1. habes facultates Presbyterorum B. M. V. Assumptæ, & Inn. XII. Const. ed. 1699., Mar. 21., Pont. VIII. confirmantur Constitutiones Presbyterorum Missionis.*

ALEXANDER PAPA VIII.

Dat. 5. Oct.  
1690. An. 2.

*Universis Christianis fidelibus presentes literas inspecturis salutem, & Apostolicam Benedictionem.*

**C**Oelestium munerum Thesaurus, quorum dispensatores a Domino constituti sumus libenter illis elargimur, quos pro sua in Deum, & Proximos charitate, ac Catholica Religionis zelo animarum saluti procurandæ omni studio incumbere intelligimus, ac eorum vota favoribus prosequimur opportunis, prout in eodem Domino conspicimus expedire.

Exordium.

§. 1. Cum itaque, sicut dilectus Edmundus Iollis Superior Generalis Congregationis Missionis Nobis nuper exponi fecit, ipse Presbyteros, & alios dictæ Congregationis in diversas Christianæ Reipublicæ Provincias ad Christianis fidelium salutem procurandam, juxta dictæ Congregationis Institutum, mittere consueverit, & nonnulli Presbyteri, seu Clerici in Civitate Parisiensi Congregationi præfate aggregati reperiantur, quorum director perpetuus est superior ejusdem

Causæ dd.  
Concessionis.

Con-